

Poli à letereŋi shɔnwuŋi ŋgemu tun Tesaloniki kàñhe dánafeebil'á ke

Mpe yii à yaa yii cè mà jwo yii jyè letereŋi funŋɔ jwumpe e ke

Nye Tesaloniki dánafeebii mpyi yyefuge e, Poli à yire lógo ke, maa ŋge letereŋi shɔnwuŋi tun pi á maa màban le pi e, bà pi si mpyi si ŋkwôro Kile kuni i me. U à li cyêe pi na na Kafoonji Yesu sí nuru n-pa pi shwɔ si pi kyérefeebii tòn. Pii na mpyi wani kuru kàñhe e, pire mpyi a màban fô dánafeebii pii na ná pi jwumpe e, pi mpyi maha ŋko na Kafoonji Yesu à núr'a pa a kwɔ. Poli à li cyêe na pi à fine. Mà jwo Yesu Kirisita u pa ke, Shinpiŋi sí n-pa fɔlɔ si jùŋɔ kyán Kile na. Ŋka Kafoonji Yesu Kirisita sí u shi bò.

Poli mpyi a lógo mú na dánafeebii pii na wá a piye yaha làmpyimbaanji yahare e. Ka u u màban le pire e, bà pi si mpyi s'a báaraŋi pyi me. U à li cyêe pi na na báaraŋi nye a táan ŋgemu á me, urufoo mú nye a yaa u a lyí me (3.10).

Jwumpe tasiige

1 ¹Yii dánafeebii kurunke ku nye wuu Tuŋi Kile ná wuu Kafoonji Yesu *Kirisita wuubii Tesaloniki kàñhe e ke, mii Poli ná Siliven ná Timɔti u à ŋge letereŋi séme si ŋkan yii á. ²Wuu Tuŋi Kile ná wuu Kafoonji Yesu Kirisita pi jwɔ yii na, pi i yyepiŋke kan yii á.

Kile sí sùpyire puni sàra si ntàanna ná pi kapyiŋkil'e ntiŋi funŋke e

³Wuu cìmpyiibii, wuu à yaa wuu a fwù kaan Kile á tèrigii puni i yii kyaa na. Lir'à yaa ná mpyi i, naha na ye yii na sì yyaha na Kile kuni i sèl'e, ntàannamagare ti nye yii mú puni niŋkin niŋkinji ná yiye shwɔhɔl'e ke, là sí i bârali tire na na wá. ⁴Lire kurugo wuu aha a yii shenre yu Kile dánafeebii kurunyi sanjy'á, wuu jùnyi maha yîrige. Pyiŋkanni na yii à yiye waha yyefuge tèrigii puni ná nàvunŋke tèrigii puni i, maa ntèen Kile kuni i ke, wuu maha yire yu pi á.

⁵Cyire karigii puni funŋke e, Kile sí li cyêe na uru yukyaan'à tii. Yii li cè na kuru yyefuge e yii nye ke, kuru ku sí yii bégele n-yaha *Kile Saanre me na, tire ntemu kurugo yii nye kyaage e ke. ⁶Yii li cè na Kile à tii, puru funŋke e mpii pi nye na yii kyérege ke, u sí n-pa pire kyérege, ⁷si yyepiŋke kan yii á, yii pi nye kyaage e ke, mà bâra wuu na. Canŋke Kafoonji Yesu sí

n-yîri niŋyiŋi na si uye cyêe ná u mèlekεεbii fânhanyahaga wuubil'e ke, kuru canŋke, cyire karigii sí n-pyi. ⁸U sí n-pa nanŋke e, mpïi pi à cyé Kile na, maa ŋcyé Jwumpe Nintanmpe na, puru mpemu p'à yyaha tíi ná wuu Kafoonji Yesu kani i ke, u sí pire tùn. ⁹Tunŋkanni na u sí pi tùn ke, lire li ŋye: u sí pi shi bò feefee, pi laage sí n-tɔɔn Kafoonji na, pi laage sí n-tɔɔn u sífente nisinante na. ¹⁰Canŋke Kafoonji sí núru n-pa ke, kuru canŋke ŋcyii karigii sí n-pyi. Mpïi pi à dá u na maa mpyi u wuubii ke, pire puni sí pèene taha u na, si ŋyii yige u kurugo. Yii mú sí n-pyi pire e, ŋaha na ye mpe wuu à jwo yii á u kyaa na ke, yii à dá puru na.

¹¹Lire kurugo wuu na Kile ŋáare yii á tèrigii puni i. Nde wuu ŋye na ŋáare u á ke, lire li ŋye u yii tège bà yii kapyiŋkii si mpyi si yyaha tíi ná yii kayini i me. Yii dániyaŋi funŋke e, kacenŋkii yii la ŋye s'a mpyi ke, wuu na li ŋáare u á, u yii tège ná u sífente e, yii raa cyire pyi. ¹²Lire ká mpyi, yii cye kurugo pèente sí n-taha wuu Kafoonji Yesu mege na, uru cye kurugo yii mú sí pèene ta. Lire na ŋye kyaa wuu Kileŋi ná wuu Kafoonji Yesu *Kirisita à ndemu pyi wuu á mana ke.

Karigii cyi sí n-pyi mà jwo Yesu u pa ke

2¹Wuu cìmpyiibii, nde li ŋye wuu Kafoonji Yesu *Kirisita cannuruge kani, ná pyiŋkanni na wuu sí n-bínni u taan ke, wuu sí kyaa niŋkin jwo yii á kuru kàmpanŋke na, lire li ŋye: ²pi'l'à jwo na Kafoonji Yesu à núr'a pa a kwò. Yii a yiye kàanmucaa! Puru jwumpe na ŋye kafinara, yii àha raa pu núru me. Yii àha pi yaha pi a yii bàhabaha ná puru jwumpe e, lire ŋye me si pu tège yiye funŋɔ pen me. Yii li cè na wà sí n-jà n-pa puru jwo yii á, si jwo na Kile u à uru tun, lire ŋye me si pu séme leter'e si ntùugo yii á ná wuu mege e. ³Yii àha zii ŋεε sùpya yaha u yii ŋwò fáanŋa a wurugo pyiŋkanni là tufiige na me. Yii li cè na mà jwo kuru canŋke ku nɔ ke, shinŋyahara ti sí n-fyànha ñùŋɔ kyán Kile na. Lire kàntugo sùpyaŋi u à sàa pi maa ñùŋɔ kyán, ná u à yaha mbòŋi laage e ná Kile sí n-pa u shi bò ke, uru sí uye cyêe mà jwo kuru canŋke ku nɔ ke. ⁴Sùpyire na Kile mege yiri yaaga maha yaaga na, maa yaaga maha yaaga père ke, uru shinpiŋi sí ntùŋke taha yire puni na. U sí uye pèe yire puni na fo si ŋkàre sà jyè ntèen Kileŋaarebage e, si jwo na uru yabilŋi u ŋye Kile.

⁵Mà mii yaha yii yyére wani, mii à ŋcyii karigii jwo yii á, taha yii funŋ'à kwò a wwò cyi na? ⁶Nde l'à uru shinpiŋi sige u sì n-jà ŋya nume mà u tēŋyaani yaha nɔmbaa me, yii à lire cè. ⁷Lire ná li wuuni mú i, sífente ti ŋye shinpiŋ'á ná t'à ŋwòhɔ ke, tire na báaraŋi pyi mà kwò. Ŋka yaage k'à para u yyaha na ke, ná kuru ŋye a yîri wani me, u sì n-jà raa u báaraŋi pyi u ŋyii pyiŋkanni na me.

⁸Nye kuru ká yîri wani tènì ndemu i ke, shinpiñi sí n-ta n-fworo. U aha fworo, Kafoonji Yesu sí u bò ná u ñwɔge kafɛge e. Kafoonji Yesu nimpañi bènmpɛ sí uru shinpiñi shi bò. ⁹Uru shinpiñi sí n-pa uye cyêe ná Sitaanniñi fànhe e, kabwɔhigii cyi sí sùpyire kàkyanhala si pi bilibili ke, u sí raa cyire pyi, bà u si mpyi si pi yákilibii yù mɛ. ¹⁰Kuni li maha Kile pyi u à sùpyañi shi bò ke, mpìi pi maha ñaare lire kuni i ke, shinpiñi sí ñire ñwɔ fáanna si ñjaha ntiimbaañi karigii shiñi puni na. Kile sí pi shi bò, ñaha na ye sèenji u sí n-jà pi shwɔ ke, pi ñye a ñee uru na, maa u kyaa táan piy'á mɛ. ¹¹Ná pi s'à cyé uru sèenji na, lire kurugo Kile sí pi yaha tire sífente cye e, ti i pi yákilibii kèenɛ kafinar'á. ¹²Nye shin maha shin u ñye u ñye a ñen'a dá sèenji na mɛ, maa ntiimbaañi karigii táan uy'á ke, Kile sí n-pa urufoo tùn.

Dánafebil'à yaa pi piye pwo Kile kuni i

¹³Yii pi ñye wuu cìnmpyiibii ná Kafoonji Yesu à yii kyaa táan uy'á ke, wuu à yaa wuu a fwù kaan Kile á yii kurugo tèrigii puni i. Mà lwɔ fo tasiige e, Kile à yii cwɔɔnrɔ maa yii shwɔ. Yii li cè *Kile Munaani à yii cwɔɔnr'a yaha yiye kanni na, ka yii i dá sèenji jwumpe na. ¹⁴Kile à yii yyere lire mɛe na, Jwumpe Nintanmpɛ cye kurugo, wuu à puru mpemu jwo yii á ke. Lir'à pyi bà yii si mpyi si ntèen ná wuu Kafoonji Yesu *Kirisita e u bwompe e mɛ. ¹⁵Lire e wuu cìnmpyiibii, yii yyére tayyérege ñiñcenji i, yii i yiye pwo. Yeréyi wuu à jwo yii á, lire ñye mɛ ñje wuu à sém'a tùugo yii á ke, yii àha zii ñkwò funɔw wwò kuru kà na mɛ.

¹⁶Wuu Kafoonji Yesu Kirisita ná wuu Tuñi Kile u à wuu kyaa táan uy'á, maa ñwɔ wuu na, maa wuu zòmpii taala nùmpañna mɛe na ná sòñɔrɔ tatahaga ñiñcenji i ke, ¹⁷pi yii zòmpii taala, pi raa fànhe kaan yii á, bà yii si mpyi s'a kacɛnki i pyi tèrigii puni i, yii karigii pyiñkanni ná yii jwuñkanni i mɛ.

Poli à li cya dánafebil'á pi a Kile ñaare pir'á

3¹Nye wuu cìnmpyiibii, mpe mii sí n-bâra puru na ke, puru pu ñye: yii a Kile ñaare wuu á, bà Kafoonji Jwumpe si mpyi si ñcaala fwɔfwɔ, pi i pu le ñjire e, bà l'à pyi yii yyére mɛ. ²Sùpyire t'à sàa pi ke, yii a Kile ñaare bà wuu si mpyi si shwɔ tire na mɛ. Yii li cè, sùpyire puni ñye a dá Kile na mɛ. ³Ñka Kafoonji na ñye ñwɔmɛe ñiñkinfoo, u sí fànhe kan yii á, si yii shwɔ Sitaanniñi na. ⁴Kafoonji à wuu pyi wuu à dá yii na, yeréyi wuu à kan yii á ke, wuu à tènèen ná l'e na yii na yi kurigii ñaare, yii mú sí n-kwôro s'a yi kurigii ñaare.

⁵Kafoonji u yii tège bà yii si mpyi si Kile kyaa táan yiy'á, si kari i kwú yiye e *Kirisita fiige mɛ.

Shin maha shin à yaa u a báare u raa uye jwɔ caa

⁶Wuu cìnmpyiibii, mpíi pí nyé na fàhafaha na màre là mpyimbaa yíi shwòhòl'e, maa mpyi pí nyé na wuu yereyi kurigii jaare me, wuu na li náare yíi á, wuu Kafoonji Yesu *Kirisita mege na, yíi àha pire pyi yíi kapyinjé me. ⁷Yíi yabilimpill'à li cè na yíi à yaa yíi wuu pyinjanni lwó. Tèni i wuu mpyi wani yíi yyére ke, wuu mpyi a wuye yaha báarapyimbaani laage e me. ⁸Wuu mpyi a wuye tíngé sùpyanji wà tufiige na uru s'a wuu jwɔ caa mana me. Pílaga bàra canja na, wuu mpyi maha báaranji ninjanji pyi, bà li si mpyi wuu àha ñkwò mpyi tuguro yíi wà tufiige nun'i me. ⁹Li nyé mu à jwo wuu mpyi na yíi ntègenji fún mà de! Ñka wuu la mpyi yíi i li cè na yíi à yaa yíi a báaranji pyi wuu fiige. ¹⁰Tèni i wuu mpyi wani yíi yyére ke, wuu à yi jwo a waha yíi á na báaranji nyé a táan ñgemu á me, urufoo mú nyé a yaa u a lyí me.

¹¹Lire ná li wuuni mú i, wuu à yi lógo na yíi pìi na wá na fàhafaha na màre là mpyimbaa, maa pí jwɔyi leni sùpyire sannte karigil'e. ¹²Pire pí mpe lóg'a tàra, wuu sí yi jwo n-waha pí á Kafoonji Yesu Kirisita mege na, na pí tèn tanuge e, pí raa báaranji pyi, pí i yyére ná pí jwɔlyinji i.

¹³Mii cìnmpyiibii, yíi pí ke, yíi àha zìi ñkànha kacenjikii mpyinji taan tèni là tufiige e me. ¹⁴Yereyi wuu à kan yíi á ñge letereji i ke, wà ha jcyé yi lógogo, yíi urufoo jwòhò múgo, yíi àha nùru ñgwò ná urufol'e me. Lire ká mpyi, u sí n-sílege. ¹⁵Lire nyé a li cyêe na yíi urufoo pyi yíi zàmpen mà de! Yíi u yere, jaha na ye yíi cìmpworo u nyé u wi.

Jwumpe nizanmpe

¹⁶Kafoonji u nyé yyepinje kanfoonji ke, uru u yyepinje kan yíi á tèrigii puni ná pyinjannigii puni na. Kafoonji u pyi ná yíi puni i.

¹⁷Mii Poli yabilinji cyege k'à ñge fwùñi sémé. Amé mii maha na kampeeni fyèñi yare na leteribii puni na. Mii sémere ti nyé nte.

¹⁸Wuu Kafoonji Yesu *Kirisita u jwɔ yíi puni ninjin ninjinji na, u u mpyi ná yíi e.